


Taau tua akamarama'anga no te Iki'anga Maata no te mataiti 2020 e pera katoa tetai au tuku'anga tika.



E231 08/20 Cook Islands Maori



**Akamarama'anga eaa te ka
tupu e pera katoa akapeea
me vouti i te mataiti 2020.**

Rapu kia papu tikai e kua retita ia koe e kua akatinamou ia toou au tuatua akakitekite.

Kia papu e kia vouti koe, ka anoanoa ia koe kia retita ia koe. Ka anoanoa ia koe kia retita me kua tae toou mataiti ki te 18 me kare tere atu, e tangata Nu Tireni koe me kare e noo tinamou ana koe ki Nu Tireni, e i noo ana koe ki Nu Tireni nei tere atu te 12 marama me kare tere atu i tetai au tuatau i toou ora'anga.



Retita vave kia mama e te viviki taau vouti'anga

Me kua retita ia koe i mua ake te Tapatu ra 13 o Tepetema, ka tae atu taau kōu Easyvote ki roto i te pia mēre e rua epetoma i mua ake i te ra iki'anga. Ka akakite atu taau kōu EasyVote ka aere koe kiea e aea koe e akatika ia ai kia vouti, e pera katoa koai ma taau kia vouti atu. I roto katoa i taau kōu taau kaati Easyvote tei akaira ia toou ingoa ki runga, te ka riro i te akaviviki e te akamama i taau vouti'anga.

Ka akatika ia koe i te retita i muri ake i te ra 13 o Tepetema, ina ra, kare koe e tu i te kaati EasyVote. Ka anoanoa katoa ia koe kia tuku i tetai vouti'anga puapinga takake te ka roa atu i te rave.



Retita ia, akara meitaki ia me kare akatano ia toou au tuatua i runga i te roro uira

E mama ua te retita, i te akara meitaki me kare i te akatano i toou au tua i runga i te roro uira na roto i te ta angaanga'anga i toou raitini akaoro motoka Nu Tireni, tiketi tika'anga Nu Tireni me kare toou puka tuku tika i te akapapu'anga koai RealMe. Atoro iatu te roro uira vote.nz

Ka akatika katoa ia koe i te retita atu iakoe ki tetai uatu ngai vouti'anga mei te ra 3 o Okotopa me kare, pati atu i tetai peapa retita'anga na roto i tetai o teia au mataara:

- Taniuniu'ia atu te numero **0800 36 76 56**
- Tuku'ia atu toou ingoa e toou ātereti na roto i te tereponi apaipai karere tutaki kore, ki te numero **3676**.



Aere vouti vave

Ka rave ia te Iki'anga Maata a te Katoatoa e pera katoa tetai au tuku'anga tika a te Maanakai ra 17 o Okotopa. Vouti vave kia kore koe e roa i te tu i te tiaki – kare koe e anoanoa ia kia tiaki rava a te ra iki'anga e vouti ei koe.

Akatuera no te Vouti'anga: Ora 9.00 i te popongi Maanakai ra 3 o Okotopa

Topiri no te Vouti'anga: Ora 7.00 i te aiā o te ra Iki'anga, i te Maanakai ra 17 o Okotopa



Vouti i roto i toou oire me ka rauka iakoe

E viviki atu e te mama i te vouti vaitata ki toou kainga. Ka akatika ia koe i te vouti ki tetai ngai vouti'anga ua atu, ina ra, ka anoanoa ia koe kia akaki atu i tetai peapa ke akaou mai me ka vouti koe i vao ake i toou matakeinanga.



Me tuera te au ngai vouti'anga e ka kimi teia au ngai kiea

Ka akatika ia koe i te retita e te vouti no te ikianga maata a te katoatoa e tetai au tuku'anga tika ki tetai ngai vouti uatu rai mei te Maanakai ra 3 o Okotopa ki te ra o te Iki'anga, Maanakai ra 17 o Okotopa.

I te ra iki'anga, Maanakai ra 17 o Okotopa, ka tuera te au ngai vouti'anga mei te ora 9 i te popongi ki te ora 7 i te aiā.

No te au tuatua akakitekite'anga no te au ngai e te ora tuera'anga no te au ngai vouti'anga ka matara mai te reira ki runga i te roro uira vote.nz me kare ra taniuniu atu i te numero **0800 36 76 56**.



Ka akatika katoa ia koe kia vouti atu ki roto i nga tuku'anga tika e rua

I roto i te iki'anga maata a te katoatoa i teia mataiti, ka akatika ia koe i te iki ki roto i nga tuku'anga tika e rua. Ko te tuku'anga tika (referendum) e vouti'anga te reira no runga i tetai uanga.

Ka akatika ia koe i te vouti no runga i te ture End of Life Choice Act 2019 me kua tika ia koe kia akamana ia te reira kia tupu, no te oronga'anga i te tika'anga kia ratou tei tu i te maki ngata i te rapakau te iki'anga kia tauturu ia ratou i te tamate ia ratou uarai. Ka akatika katoa ia koe i te vouti atu no runga i te oronga'anga tika no te kai'anga i te tita poitini me ka turu koe kia akamana ia.

No te au akamarama'anga oonu atu no teia nga tuku'anga tika tei runga te reira i te roro uira referendums.govt.nz



Ka aere kiea tiki ei tetai au tuatua akakite akaou mai no te retita'anga e te vouti'anga:

- Atoro'ia atu te roro uira vote.nz
- Taniuniu'ia atu te numero **0800 36 76 56**
- Atoro'ia atu te roro uira atuitui [facebook.com/voteNZ](https://www.facebook.com/voteNZ)

Me kua kite koe i tetai tangata te ka riro teia tuatua akakitekite ei tauturu iaia, me ka tika, akakite ia atu teia kiaia.


No te au tuatua akakitekite no te retita'anga e te vouti'anga tei vai katoa nei i roto i tetai au reo keke i runga i te roro uira atuitui vote.nz

Ka akapeea me vouti

1 Apai atu i taau peni e taau kaati EasyVote.

Ka akatika ia koe i te apai mai i taau peni no te akaira'anga i taau peapa vouti. Me ka ngaropoina ra, kare manata e maata te au peni e vai nei.

Apai atu i to kaati EasyVote kia viviki taau vouti'anga. Ka akatika ia rai koe i te vouti me ka ngaropoina ake to kaati me kare, kare a au kaati.




2 Ta'angaanga iatu te pūa-paruru orei rima tei akanoo'ia

I mua ake ka rave mai ei koe i to peapa vouti, ta'angaanga ia te pūa-paruru orei rima tei akanoo'ia.



3 Aru i te au kaveinga

Na te au tangata angaanga i ko i te ngai vouti'anga e ka akaari atu e, eaa taau ka rave, e ka aere koe ki ea. Ka aka'aere katoa ratou i te urupu tangata kia rava te au akavārvāra'anga o te au tangata ka vouti.



4 Vouti no te Iki'anga Maata a te Katoatoa

I roro i te Iki'anga Maata a te Katoatoa, e rua a au vouti'anga – te iki'anga nuku e te iki'anga no te oire.

Taau ikianga Nuku tangata

Na te vouti'anga pupu tangata maata rava atu e akanoo i te numero o te noo'anga no te au pupu tangata tuku ture i rauka kia tomo atu ki roto i te Paramani. Ko te au pupu tangata e maata te tuanga i re i te iki'anga, ka maata to ratou au noo'anga i roto i te Paramani.

Tei ia koe i te iki mei roto mai i te akapapa'anga nuku tangata tuku ture, ua atu e, tei runga koe i te Akapapa'anga o te Katoatoa, me kare ra, i te Akapapa'anga o te Maori Nu Tirenī.




I runga i taau peapa vouti'anga, kika iatu taau akaira ki te pae i te ingoa o te nuku taau i inangaro i te iki.

Taau ikianga no te Oire

Ko taau iki'anga no te oire, ko te iki'anga ia i tetai tangata taau i inangaro kia riro ei Mema Paramania (MP) no te oire e noo ana koe ki roto. Ko te mema maata rava atu tona vouti – koia te ka tu ei Mema Paramani noou.

Me ka iki koe i te akapapa'anga Iki'anga Māori Nu Tirenī, ka iki koe i te mema no roto i te iki'anga a te Māori Nu Tirenī. Me ka iki koe i te akapapa'anga iki'anga a te katoatoa, kia iki rai koe i te mema no roto i te iki'anga a te katoatoa.

I runga i taau peapa vouti'anga, akaira iatu ki te pae i te ingoa o te tangata taau i inangaro kia tu no toou oire.



Ko te maata'anga o te iki'anga nuku tangata = Ko taua maata rai no te au noo'anga i roto i te Paramani.

5 Vouti'anga i roto i te au tuku'anga tika

I runga i taau peapa vouti'anga no te nga tuku'anga tika, e vouti koe na roto i te pau'anga i te nga ui'anga tei tukuna ia mai. Kika iatu tetai akaira ki te pae i te 'Yes' (Ae) me kare, i te 'No' (Kare).

Tei iakoe ua me ka inangaro koe i te vouti atu no te nga manako tuku'anga tika. Ka akatika katoa ia koe i te iki no te vouti atu'anga no tetai o te nga manako tuku'anga tika me ka inangaro koe.



6 Tuku atu i taau peapa voti ki roto i te pia vouti'anga i akanoo ia

7 Ta'angaanga ia te pūa-paruru orei rima i mua ake ka akaruke ei koe

I iakoe e aere atura ki vao, ta'angaanga ia te pūa-paruru orei rima i akanoo ia. Kua tira rai – kua oti te vouti!



Kare koe e tae ki tetai ngai vouti'anga?

Me e tumu tai'i tetai me kare, kare e ravenga kia tae koe ki te ngai iki'anga, te vai nei tetai au ravenga i akapapa ia kia tae atu koe no te iki'anga.

Me tei roto koe i te kainga noo'anga o te aronga pakari e kare o ou mataara kia tae atu ki te ngai iki'anga, ka aravei atu te Opita o te Opatī Iki'anga i te manitā o te kainga noo'anga o te aronga pakari i te akanoo i tetai ravenga tauturu no te iki'anga.

Me kare koe e tae atu ki te ngai iki'anga no te mea tei roto koe i te aremaki, mei te ra 3 mai o Okotopa, ka rauka i toou taeake me kare, tetai o toou kopu tangata i te apai atu i taau peapa vouti'anga.

Me kare koe e tae ki te ngai vouti'anga no toou maki me kare toou tu apikepīke ka rauka iakoe i te pati tauturu no te reira. Kimikimi atu te maata'anga ki runga i te roro uira vote.nz me kare taniuniu atu **0800 36 76 56** kia uriuri manako no te au ravenga.

Te vouti'anga mei te enua ke i vao mai

Ka rauka iakoe i te retita e te vouti atu mei te enua ke i vao mai mei te Ruituru ra 30 o Tepetema e tae uatu ki te ora 7 i te aiāi, Maanaki ra 17 o Okotopa (ora Nu Tirenī).

Te ravenga mama e te viviki rava atu i te vouti mei te enua i vao mai koia oki ko te ākiri mai i te peapa vouti'anga e te tuku'anga tika mei runga i te roro uira vote.nz

Ka rauka katoa iakoe i te vouti i ko i te ngai vouti'anga i tetai enua ke i vao mai, me kare, pati atu kia tuku mere iatu te au peapa iki'anga kia koe. Ka riro te turanga o te Koviti-19 i toou oire i te akapapu i te rave'anga i te reira. Akara iatu te roro uira vote.nz no te au nuti akakitekite ōu no te iki'anga mei te enua i vao mai.

Me ka inangaro tauturu koe no te vouti'anga mei te enua i vao mai, me ka tika aravei mai ia matou.

Taniuniu'anga mei te enua i vao mai: +64 9 909 4182

(penei ka mama mai te tutaki'anga maata no te au pa enua mamaoa)

Taniuniu'ia atu te numero

Taniuniu'anga mei roto ia Nu Tirenī: 0800 36 76 56

Ka anoanoa tauturu ainei koe no te tatau me kare te akaira'anga i taau peapa vouti'anga?

Ka akatika ia toou taeake, tetai mema o toou kopu tangata, me kare, tetai opita no te tuanga iki'anga i te tauturu iakoe i te tatau me kare, te akaira i taau peapa vouti'anga. Ka rauka i tena tangata i te:

- aru atu iakoe ki muri mai i te pia vouti'anga
- tatau atu i te au kupu e te au tuatua akakitekite i runga i te peapa vouti'anga
- akaira i te peapa vouti'anga noou me ka pati atu koe.

Kare e rauka ia ratou i te akakite atu kia koe e koai taau e iki i roto i te Iki'anga maata a te katoatoa, me kare, akapeea koe me iki i roto i nga tuku'anga tika.

Me e matapo koe, e kare i po rava ake toou mata me kare, e turanga pakipakitāi toou, teia te aite'anga kare koe e meitaki rava i te akaira i taau peapa no te iki'anga, ka rauka iakoe i te vouti na roto i te tuku'anga i taau iki'anga na runga i te tereponi.

Ka anoanoa ia ra koe kia retita atu iakoe no te rave'anga atu i teia tu tauturu. Taniuniu atu **0800 028 028** e oti taomi i te pitopito numero 1 no te retita atu'anga.

Ka akatika ia koe i te retita atu mei te Monite ra 14 o Tepetema e tae uatu ki te Paraparau ora 7:00 i te aiāi ra 15 o Okotopa.

Atoou iatu te roro uira vote.nz no tetai au akamarama'anga no teia ravenga tauturu.